



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCV.

urn:nbn:de:hbz:466:1-42840

monia magister insignis quid quod expertus est
 P. Ioannes Hieronymus & ut narro in pretiosis occupa-
 tionibus morientium in Societate. *Passionum mea-
 rum stirpes evelle* ait ad illam S. Ioseph Gracus,
Quibusque cogitationes germinare fac ex anima mea
 401. P. Prosper Malauolta scripsit Italicè libel-
 lum, cui titulus est: *Pia exercitia super coronam 12.*
*virtutum, & modus B. Virginem quotidie spiritualiter co-
 ronandi.*

3. Sept.

Obijt
 Genua
 1604.

402. Sebastiano Garzia Coadiutori suavissima
 fuit erga Deiparâ propensio voluntatis; cuius rosa-
 rium quotidie recitabat, & lachrymis condiebat.
 Cum parvâ quadam B. Virginis effigie dulcissimè
 versabatur; hanc alloquebatur; hanc osculis, la-
 chrymis, precibus honorabat: gratiasque agebat
 quod ope Deiparæ cum illa imagine è naufragio
 fuisset ereptus, in quo navis quâ ipse vehebatur cum
 re omni & socijs omnibus conflagrârat.

Obijt in
 Chile.
 1604.

Ad B. V.
 imagines
 gratias
 pro bene-
 ficijs agere

A N N O M D C I V .

403. Neapoli latam mortem opperienti Anto-
 nio Apicelle Nouitio, magno solatio fuit cultus
 Deiparæ. Quare supremum aliquod ad virtutem
 effatum flagitantibus Nouitijs, nihil se melius sug-
 gerere illis posse aiebat, quàm ut sanctissimum Sa-
 cramentum, & diuinæ Matris studiosam reueren-
 tiam cordi haberent. Ita nunc nempe illa colenda
 est, prout illam à nobis cultam fuisse vellemus mor-
 ti iam proximi. Pium est illud S. Bonaventuræ
 suspirium ad B. Virginem: *In exitu animæ meæ de hoc*
mundo occurre illi, Domina, & suscipe illam. Hoc an-
 no in Æthiopiâ profectus est P. Ludouicus de Aze-
 nedo, qui in sermonem Chaldæum ibi transtulit
Horas B. V.

Cultum
 B. V. di-
 scere à
 morten-
 tibus.

404. Ad cultum Deiparæ spectat idoneas exco-



à pag. 116

Libros
turpes
arcere.

gitare industrias quibus libri fescenninorum instar
 fordidus ab oculis & manibus arceantur. Id per Bea-
 tissimam Virg. nomen scitè omninò perfecit noster
 ille Sacerdos è Collegio Genuensi. Hic, vt loquun-
 tur annuæ, cum socio autumnalibus ferijs Saonam
 mari petebat. vehebantur eodem lembo, præter
 alios, duo Religiosi, & Genuensis adolescens, cui
 non minus nobilitas, quàm flos ætatis ferociam &
 animum adiungeret. Habebat hic præ manibus li-
 brum Italico, sed obscuro carmine conscriptum,
 quo ita delectari videbatur, vt ipsum nec quatuor
 aureis esset permutaturus. Rogat adolescentem
 noster Sacerdos, *num ipsi graue futurum sit B. Virgini
 donum aliquod dare.* Non futurum respondet. Li-
 brum, inquit noster, istum in Beatissimæ Virginis
 gratiam dilacerari, & in mare deijci vellem. Ta-
 ctus ille diuino spiritu; En, ait, tuæ permitto vo-
 luntati: & librum carissimum Patri exhibet discer-
 pendum. Tum Pater; Tuum tam promptum ani-
 mum opto nobis præire, & primum offerre id mu-
 neris B. Deiparæ. & haud mora, is euaginato gla-
 dio medium diffindit, & partem in mare projicit; al-
 teram Patri porrigit, qui eam inter omnes vecto-
 res diuidit, vt à singulis in minutissimas partes
 discissa in mare deijciatur; quod illicò ab omnibus
 admiratione attonitis, sed, vtpote Deiparæ gratifi-
 cantibus, lætissimè factum est. Noster autem ob
 egregium adolescentis facinus, se pro ipso rem-
 diuinam semel facturum pollicetur; id ipsum pro-
 mittunt alij duo Religiosi. Fractum tulere preces
 maiorem quàm expectabatur. Paucis ab reditu
 diebus elapsis, nunciatur nostro, cum altero illorum
 Religiosorum (erat hic Carmelita) adolescentem
 illum Bononiam profectum, se totum B. Virgini in
 Car-

Carmelitarum ordine dedicasse. Hoc ingenium placet B. Virgini, hæc dona, hæc victoria; vt si quid à te ipso, vel alio impetrare velis, nec facile possis, vel doni Deiparæ offerendi nomine id flagites. Parabit illa victori coronas, & præmia: cui dulcissimè in hunc modum loquitur diuinus ille Augustinus: *In te, Beatissima, nostrorum est expectatio præmiorum.*

405 P. Franciscus Arias anno 1588. Valentiaë Hispanicè edidit Rosarium B. V. 150. mysteriorum, vbi explicans Rosarij dignitatem ait hoc exercitium à Deo valdè magni fieri. Refert reuelationem Treuirensis illius Carthusiani, qui cæli Procures vidit in cælo aperto IESVM & MARIAM laudantes, orantesque pro ijs qui in terris rosario recitando sunt addicti: pro quibus etiam paratæ in cælo coronæ illi sunt ostensæ: dictumque ingentes planè thesauros in hac pietate esse absconditos pro ijs qui ei recitando student. Addit multa quæ ad persuadendum Deiparæ cultum faciunt: quem ille ad tria capita refert. Ad reuerentiam, inuocationem, imitationem. Ad reuerentiam pertinet; magni illam facere, gaudere de illius gloriâ, laudando DEVM quòd illam elegerit, ornauerit; reuereri illius nomen, imaginem, & quæ dixit ac fecit. Ad inuocationem spectat; offerre illi desideria nostra, preces, ieiunia, elemosynas, mortificationes, sacrificia in eius honorem, ad impetrandum quod petimus. Ad imitationem refertur, vitam illius legere, meditari, in corde expensa recondere ad DEVM illius exemplo amandum, eique seruiendum. S. Hedwigem semper secum gestasse paruulam B. Virginis imaginem cordis ignibus accendendis, atque fouendis illius aspectu; & hanc neque mortuæ de manu

hom. 10.
f. 2. de An.
stic. B. V.

Obijt Hi
spali 23.
Maij
1605.
Thesaurus
Rosarij pie
recitati
explicare.
Solidum
Deiparæ
cultum
docere.

6. 8.

Thesaurus
B. V. hu.
milibus
officijs
colere.

omni
f. 2. de An.
stic. B. V.

extrahi potuisse; vt olim B.V. imaginem dimittere noluit moriens P. Ignatius Azebedius. Desiderandum esse ait, vt illam reuereantur velut Matrem DEI omnes filij Adam; quos par est exhortari, vt sacramentis expiati; rosario & alijs obsequijs puro corde illam colant. Pro magno etiam beneficio habendum, & amplas Deo gratias reddendas si hoc amore erga illam nos inflammatos sentiamus. Illam crebro cordis gemitu in auxilium esse vocandam. Ad impetrandum ab ea id quod petimus, offerenda illi opera humilitatis, mortificationis, misericordiae; vt Principibus, & quibus aliquid petitur, dona solent offerri. Exuendum esse si quid circa se est fuci, vel vanitatis. Si quid necessitatis occurrat, illam in manu B.V. deponendam, vt illa prouideat. Placere Deo summo Patri familias, si nos velut filijs, per hanc velut Matrem familias ab illo petamus virtutes, & ea quibus indigemus. Ita S. Elzearium Comitem initio meditationis ad B.V. supplicatum inisse, vt illa in corde illius ea reponeret quae sciret suo Filio grata esse. De imitatione B. Virginis, & praecipuarum eius virtutum, libellum integrum conscripsit.

Agere Deo
gratias
pro amore
quem habemus
erga B. Vir-
ginem.

Sabbato
B.V. hu-
milibus
officijs
colere.

hymno
Laus Ma-
riae.

ANNO MDCVI.
406^A Tarraconae vitae finem attingit. P. Ioannes Labrador DEI Matri iam inde a puero virginitatem promissam, & seruata deuotus. In Societate totum se eiusdem famulatur deuotus: in cuius gratiam sabbatis in abiectis culinæ operibus inserviebat. MARIA sicuti Deo humilitate placuit, ita illi humilitate placendum est: & par est vt dies sabbati, quemadmodum est dies MARIANUS, ita sit dies humilitatis. S. Bonaventura: Ave, inquit, Mater humilium, Deitatis triclinium.

Idem